

Z A B I L J E Š K A

**sa Druge sjednice Komisije za ustavna i zakonodavna pitanja, održane 22.09.2015.
godine 11,00 sati u prostorijama Saveza općina i gradova FBiH**

Sjednici su prisustvovali: Vildana Smajović, Esmir Brković, Čedomir Jelić, Aida Daul, Rizama Tukulj i Kemal Bratić

Opravnado odsutni: Predrag Šupljeglav, Enver Adžem, Josip Vidović i David Grbavac
Sjednici su prisustvovali i: Vesna Travljanin, Šejla Hasić i Zlata Turkić (Savez)

Na sjednici je predložen i usvojen sljedeći:

D N E V N I R E D

1. Usvajanje Zabilješke sa Prve sjednice Komisije
2. Strategija razvoja Saveza općina i gradova FBiH za period 2015.-2022.godine
3. Akcioni plan Saveza općina i gradova FBiH za 2015.-2016.godinu i indikativni plan za 2017.godinu
4. Informacija o izradi strateških dokumenata Saveza općina i gradova FBiH
5. Ponovna Inicijativa - odgovor Općine Jajce o Zaključku vezanom za Inicijativu za izmjenu Zakona o matičnim knjigama
6. Inicijativa Općine Bihać za izmjene i dopune Zakona o državnim službenicima i namještenicima u organima državne službe Unsko-sanskog kantona
7. Inicijativa Općinskog vijeća Stari Grad o donošenju Zakona o turističkim zajednicama
8. Odgovor FMinistarstva pravde na Inicijativu Saveza za izmjene Zakona o parničnom postupku
9. Tekuća pitanja

1. Zabilješka sa Prve sjednice Komisije usvojena je bez primjedbi

2., 3. i 4. Dogovoreno je da se o sva tri predložena dokumenta vezana za strategiju razvoja Saveza vodi jedinstvena rasprava.

Vesna Travljanin je, uz zahvalnost svima koji su dali doprinos u izradi strateških dokumenata, istakla važnost istih za daljnju aktivnost i djelovanje Saveza općina i gradova FBiH. Napomenula je da je dogovoreno da se o ovim dokumentima izjasne sve komisije Skupštine Saveza. Upoznala je prisutne o održanom sastanku sa predstavnicima četiri općine sa područja grada Sarajeva, koje su imale specifične primjedbe koje su i ugrađene u tekst Strategije.

O strateškim dokumentima Saveza općina i gradova FBiH prisutne je upoznala Šejla Hasić. Napomenula je da je Savez još početkom avgusta mjeseca 2014. godine započeo proces izrade novih strateških dokumenata. U sklopu ove aktivnosti proveden je niz aktivnosti u koje su bile uključene i radionice na koje su bile pozvane sve jedinice lokalne samouprave da daju svoj doprinos. Takođe, pored radionica, sve jedinice lokalne samouprave su imale priliku da dostave svoje komentare i sugestije koje su ugrađene u strateške dokumente.

Šejla Hasić je prisutnim prezentirala strateške dokumente sa naknadnim izmjenama.

Nakon rasprave, u kojoj su učestvovali Vildana Smajović i Čedomir Jelić, doneseni su **zaključci**:

- **Stateški dokumenti predstavljaju kvalitetnu osnovu za daljnji razvoj i aktivnost Saveza;**
- **Stateški dokumenti predstavljaju kvalitetnu osnovu da Predsjedništvo Saveza istu razmatra i usvoji.**

5. Uvodne napomene o odgovoru Općine Jajce o Zaključku vezanom za Inicijativu za izmjenu Zakona o matičnim knjigama dao je Edin Hozan, načelnik Općine Jajce i istakao da je članom 72a pomenutog zakona prouzrokovan trošak jedinicama lokalne samouprave. Napomenuo je da se Zakon ne primjenjuje u svim općinama i gradovima, te da u Zakonu nije konkretizovano „ko su matičari“. Istakao je, takođe, da ova vrsta uposlenika nije posebno opterećena u odnosu na druge uposlenike (npr. građevinske inspektore, geodete i dr.).

U raspravi u kojoj su učestvovali svi prisutni istaknuto je da matičari u jedinicama lokalne samouprave rade prenesene poslove MUP-a, što predstavlja dodatno opterećenje jer mogu znatno utjecati na identifikaciju lica, te da su njihovi radni zadaci složeniji tim više što su direktno povezani sa MUP-om i CIPS-om. Takođe, napomenuto je da mnoge jedinice lokalne samouprave imaju svoje urede u mjesnim područjima, te da bi njihovo dodatno plaćanje bilo veliko opterećenje za budžete jedinica lokalne samouprave.

Nakon rasprave doneseni su **zaključci**:

- **Zakon o matičnim knjigama nije usamljen slučaj zbog činjenice da postoji još kategorija uposlenika koje bi se mogli tretirati na isti način kao matičari u članu 72a ovog zakona (građevinski inspektori, geodeti i dr.);**
- **Daje se preporuka da se, prilikom donošenja novog seta zakona sve kategorije uposlenika sa istim radnim zadacima vrednuju jednako u svim jedinicama lokalne samouprave kao i da se Zakonom omogući načelniku da stimulise rad pojedinca za slučaj kada on postiže posebne rezultate u radu, kao i destimulaciju u slučaju neizvršavanja radnih obaveza i zadataka.**

6. Uvodne napomene o Inicijativi Općine Bihać za izmjene i dopune Zakona o državnim službenicima i namještenicima u organima državne službe Unsko-sanskog kantona dao je Esmir Brković i istakao da ova inicijativa ima osnov koji je bio premet razgovora na Regionalnom sastanku OSCE-a sa jedinicama lokalne samouprave Unsko-sanskog kantona. U raspravi o ovoj inicijativi istaknuto je da ona treba biti predmet rasprave pri donošenju seta zakona vezanih za Zakon o radu. Nakon rasprave, **zaključeno je**:

- **Daje se preporuka da se, pri donošenju seta izmjena i dopuna ili izrade novih zakona vodi računa o novim zakonskim rješenjima u Zakonu o radu.**

7. Prihvaćena je Inicijativa Općinskog vijeća Stari Grad o donošenju Zakona o turističkim zajednicama i donesen **zaključak**:

- **Uputiti inicijativu Federalnom Ministarstvu okoliša i turizma za hitno donošenje Zakona o turističkim zajednicama i promicanju turizma u FBiH.**

8. Članovi Komisije su upoznati sa odogovorm Federalnog Ministarstva pravde na Inicijativu Saveza općina i gradova FBiH o izmjenama i dopunama Zakona o parničnom postupku koji sadrži i izmjene člana 395. kojim se naknade i nagrade za pravobranioce izjednačuju sa

naknadama i nagradama advokata, što bi trebalo da poboljša budžete jedinica lokalne zajednice.

9. U okviru ove tačke dnevnog reda istaknuto je da sistem obuke vijećnika u cjelosti ne odgovara jedinicama lokalne samouprave. Donesen je **zaključak**:
- **Komisija predlaže Predsjedništvu da se ispita koncept obuke vijećnika koje treba da odgovaraju stvarnim potrebama jedinica lokalne samouprave, kao i da se odredi vremenski okvir u kome se obuka vrši (početak mandata).**

Sjednica je završena u 13,30 sati
Zabilješku sačinila: Zlata Turkić

PREDSJEDNICA KOMISIJE
Vildana Smajović, s.r.